

urbesque munitas rideat. Ex qua descriptione colligitur, regnum Nebucadnezaris vel potius patris Nabupallasaris, eo tempore, quo Habakuk suum vaticinum edidit, firmatum fuisse. Pater Nebucadnezaris imperabat solum Babylonii, cum succederet Chini lidano anno ante Chr. Nat. 624. Ab hoc tempore illud regnum incrementa cepit, ut filius Nebucadnezar anno ante Chr. Nat. 607. in consortium regni assumptus exercitum regis Ægypti prosternere, Syriamque & Palæstinam suæ potestati subjicere potuerit conf. du Pin. Hist. prof. T. I. p. 16. & 139. seqq. Intra spatium illud octodecim annorum regnum Babylonicum suas vires acquisivit, & caput extulit. Florente itaque Babyloniorum imperio sub Nabupallasare Nebucadnezaris patre Habakuk vaticinari cœpit.

#### §. 4.

Tertium indicium capimus ex Cap. I. 2. 3. 4. ubi Habakuk conqueritur de peccatis Judæorum, de suppressione innocentum, de iniquitate, de vastatione & contentionibus frequentibus. Qvae qvidem peccata non sub Josia rege piissimo, sed sub Joachazo & Jojakimo degeneribus ejus filiis creverunt, quod constat ex Jerem. XXII. ubi propheta post abductionem regis Joachazi, qui & Schallum appellatur, in Ægyptum, conf. v. 11. 12. descendit in aulam regis, & præcipit, ut faciant judicium justum, liberent oppressos, neque defraudent advenam, pupillum & viduam, neque rapinas committant, aut sangvinem innocentem effundant. Ex quo patet in principio regni Jojakimi illa peccata caput extulisse, quæ noster propheta cum Jeremia redarguit. Quartum indicium desumimus ex ver-